

QVÆSTIO MEDICA.

CARDINALITIIS DISCVTATIONIBVS MANE DISCVTIENDA

IN SCHOLIS MEDICORVM DIE IOVIS IV. APRILIS.

M. BERTINO DIEVXIVOYE, Doctore Medico Præsidente.

An conglutinandis tenuium Intestinorum vulneribus parcissima Diata?

1085

ANIMA quandiu viuimus suis mancipata organis, tam nihil per se molitur, vt eorum operâ carere minimè liceat: ex multis vero quibus vitur, caue credas, singula ad eius nutum gerere quodlibet, cùm, quantus est partium numerus, tot duntaxat edendis nata videntur functionibus, præter quas otiosi tenentur. Soli spiritus præ tenuitate suâ expediti & alacres, præsto sunt ad officium, eò quidem magis diuinæ suæ heræ accepti & conuinciles, quòd quemadmodum illa vbique est & agit, sic ij in omnem locum & partem, dices ad signa milites, conueniant obsequij causa. Vt verò quoties partium inter se consensus aliquis & ordo seruatur, quidquid iusserit anima, hoc exequi fatagunt: sic non prius ille doctum infardu vel continui solutione intermissus est, quin, perente illo maiori meliorique partium quàm sonorum concentu, sanitas & vita concidant. Et sanè tam graui redimendæ noxæ, natura sui percipida, illatum partium continuitati damnum, quocunque reparare modo nititur, dum eas quæ diuisæ sunt sanguineas quidem sub priori formâ, spermaticas vero & duriores sub alienâ, cutem nimirum, membranas hisque affines alias cicatrice, ossa verò, præterquam infantium, callo superinducto gratæ affert symphysi. Quæ quidem omnia eâ geruntur ratione, vt quamuis spermaticæ partes dissimili accedente materiâ, ceu medio quodam diuersæ ab iis quæ diuisæ sunt naturæ, conglutinentur, illæ seu carnes, eodem quo constitutæ sunt sanguine coalescant, sed solius vtriusque naturæ viribus, quam profecto eadem vii facultate Conformatricæ persuasum habeas, quæ olim in vtero freta, corpus, in eoque singulas eius partes adornauerat.

VLNVS recens in parte molli sed cruenta solutio, breui sit carniū clades, dum sanguis, quo stillat, laxatis vasorum custodijs, aërisque contagio corruptus, in saniem descendit. Illud graue & periculi plenum, si cum *ἡδονῇ* fuerit, nerueam, exanguem, proprièque dictâ carne vacuum partem, verbo dicam, tenuium Intestinorum aliquid occupet. Nunquid enim dum cibi potius exitus, nausea frequens, vomitus, singultus mali ominis, hypochondriorum tensio, sudationum culæ, extremorum frigus locum ostendunt affectum, vulneris *κακὸν δεινόν*, adeoque suis numeris completam magnitudinem apertè declarant? Quid si tantæ utilitatis partium vitali distributionis officio carere, simulque seruari non datur? Quid dum illis statu vel inflammatione distentis, hians obijciat vulnus, quod chyli, vel cuiuscunque saniei iugiter elabentis attritu labijs occalescentibus, verè *ὡς ὀφθαλμὸς* euadit, & lethale, nisi quidem tutiori admissâ methodo caueas sedulo, ne cocturas inter particulas iniqua suborta humiditas agglutinationem impediatur, quam nullus Chirurgiæ ope, sed vnus Diætæ viribus comparandam, quicquid acriori futurâ, nec non asperso puluere *κακὸν δεινόν* molietur, peruersis artis legibus ager *κακὸν δεινόν*; hæc enim alieni ablationem spectat, naturæque victrici inferior, ei manum exhibet vt erigatur ad opus, remotisque impedimentis viam sternit, vt obductis conuenienti medio partibus, intelligas, quàm nihil tunc efformandæ carni vel cicatrici inanis medicamentorum suppellex proficiat.

CVLATA verè manus est, & angue munita, quæ ad operationem habilis & expedita, Medici longius prospectantis prudens admittit consilium. Sed quàm multos inuenias Leonis exuvio indutos, auriculas ad lyram mouentes Afros in vnguento, qui cum loqui nesciant, & tacere non possint, nihil non in Medicinâ fallaciter imitando adulterant, seque *ὑπερηφάνους*, peritumque hoc ipso potitos arbitrat, Diæteticen nibili faciunt, quam exilio damnare non verentur. Quasi verò qui familiam ducit arbiter Medicus, institutâ victus lege nectendis vulneribus idoneâ, otiosus spectator, aut muta persona nihil ad id utilitatis & fructus afferret; totumque reparatæ vnitatis negotium solius manus operâ adimpleretur. Sed ô rem totam odiosam! Ex ijs quas administratrices habet Ars benefica, tanti ne faciendâ Chirurgiâ, vt posthabitis cæteris, illius labefactetur dignitas, quæ summâ necessitate commendatissima, cibi & potus scientiam capit, principemque nacta locum, Prudentiæ contumelialis, Longuivitatis amica, meliorisque Valetudinis architecta, & morborum Medicatrix, minimè leuissimam illius partem constituit; quippè quâ absente aut auulsâ, Therapiâ omnis manca & debilis suoque meliori membro capta deficit, adeoque retrorsum cedit solutionum continui medela, vt cum leuiora ingrauescere, benigniora efferrari, dubia in certum trahere discrimen videntur, quæque iam lethalia circumferuntur vulnera, seipsas *δυσανέμωνες* euadant Diætæ neglectæ; singula ex aduerso, hæcque præsertim quæ nobiliora tenent nutritionis organa, gracilia scilicet Intestina, majorine an artis, an naturæ beneficio dixeris, eiusdem ad lancem rationis optimè constituti victus diligenti curâ, securitatem nanciscuntur?

RECTA *ἡ δὲ ἰσχυρὰ* solutæ Continuitatis suscipitur curatio, cui vt præcipuo operi totus incumbas oportet, aut sanè symphysin non quæris, finis nimium negligens. Componuntur verò diuisæ particule, dum Vulnerum inuicem appositis oris, humorum in eas prohibetur affluxus parcissimæ Diætæ beneficio. Hæc enim deductâ alimenti maximâ parte, omnem penè saniei locum, Chylôque præterlabendi occasionem, præcidit. Sed cùm per tantulâ assumptorum copia, minor sit sanguinis proventus, quàm vt obviæ primùm parti parumper sufficiat, in eâ, adnatæque tenuibus Intestinis, inflammationi statibus conclusis materia deest, nec exsiccare dempto superfluo humore hæc ipsa desinant, vt possit vulnus *ὡραϊσθαι*, & eius in vnum labia concrelescere. Nec est quod intereat moretur virium ægri iactura, quas nec tenuisse in integro, nec accessione meliores reddidisse profuit vnquam, cum nemo nisi iam iisdem extenuatis saluus à morbo confurgat. Sat superque feceris si facultatem accisam licet aut imminutam vtriusque seruando, saucium minimè conficiat *ἀποκαταστήσας*, miræ Methodicorum *δυσπραγίας* ineptâ primò quidem post quartum diem, tùm verò alternis, cibandi formulâ, non exerceat. Longè alia per alimoniam paucitatem tenenda via est, cum ex triplici quæ commendatur in morbis Diætâ, vulgaris, eive affinis media, vel solo quantitatis medicris nomine explodenda, nihil instituto conducatur, ipsaque *κυβητὴ* seu exquisita, suis nequidem in vacuâ commodis, quippè quæ maiori volumine explicata, minimum virtute alimentum offert, quod parâ mole *πλεονέκτην* præscribens, eius sic exhibendi rationem moderatur Medicus, vt dum ex eo parcs, ad decimum quartum, aut paulò vltra vires sufficiant, acceptus ventriculo pauculus cum potu cibus coquetur & nutrietur, nullâ fere eius prætergre-diente particulâ, tenue Intestinum quâ violatum est, haud dchiscat, sed ob eam quæ laborat, penuriam contrugatum, ad motus plagæ labellis, obducatur cicatrice.

AN verò huic coagmentationi promouendæ, aliam, nisi remotam conducet opellam Chirurgus, dum vulnus extergit, subiectisque vino madentibus splenijs fascias admolet continendi gratiâ, vel dùm amplificato cùm oportet exteriori vulnere, Intestinum in suam compellitur sedem, còve effusus nimis humor per Pyoulcum exsurgendus est, alioqui si paucus datur, nec dùm in adenes amandatus, loci calore digerendus. Tua meherculè qualis designatur victus restricti offereendi ratio, accuratissimaque, vt rem inchoat, sic totam perficit Diætâ, quæ vnicâ continetur liquidioris alimenti librâ ex iusculo carniū euechymarum, vino subaustero, nunc meraciori, nunc diluto, saccharato, nec non gelatinâ cornu ceruino medicatâ comparat. Si enim iu'culi co'chlear vnum secundâ quæque horâ, pari gelatinâ, aut vini quantitate interjectâ diu ac noctu exhibere toto curationis tempore non graueris, idem contingeret, quod apud eos amat fieri, quibus ex septem plurimūve dierum inedia *ἡ νύκτις* *ἀνίσταται*, sed longè dispari exitu, hi enim fumere persuasi, ventriculo non amplius admittente, facis cedunt, in illis vero, cùm parcissimè licet fumen-di crebritate affusæctus minimè repugnet, coherentibustamen, contractisque in sese tenuioribus Intestinis, vulneris labia ad angulos primum coeundo iunguntur, eoque magis, quò effingendæ cicatrici nec humor quantuluscunque est alibilis desiliretur, nec suâ intestinum, minimè *αὐτὸς τὸ μέγεθος διακινῆσθαι*, sufficienti pro fundamento carne priuetur. Ad eò cæteris præstat antecellitque medicamentis quæ glutinandi prædicantur viribus sanguis eive congener alius humor, qui solus optimum gluten, singularique adinstat medij, solutis accedit partibus, vt eas iam sibi inuicem natas, mutuòque, quòd summum est sympathiæ opus, coalluit amore flagrantes, nusquam artiori consociet vnitatis vinculo.

Ergo conglutinandis tenuium Intestinorum vulneribus parcissima Diata.



1085

Proponebat Lutetiæ FABIANVS PERREAV, Parisinus, A. R. S. H. M. DC. LVIII.